

Очилов И.К. - ТМИ, доцент

СУҒУРТА ТАШКИЛОТЛАРИДА ДАЪВОЛАРНИ КЎРИБ ЧИҚИШ ТАРТИБИ ВА УНИ ТАКОМИЛЛАШТИРИШ ЙЎНАЛИШЛАРИ

Мақолада суғурта ташкилотларида суғурта ҳодисалари рўй бериши натижасида етказилган заарларни тўлаш жараёни оператив амалга ошириш учун суғурта даъволари бўйича тақдим этилган ҳужжатларни ўрганиб, мол-мулкка етказилган заарар миқдорини аниқлаш ҳамда суғурта қопламаларини тўлаш бўйича молиявий мажбуриятларни бажариш, заарларни бартараф этиш бўйича харажатларни аниқлаш ва уни счётларда акс эттиришни такомиллаштириш юзасидан хуносалар берилган.

Таянч сўзлар: заарларни бартараф этиш, суғурта мукофотлари, суғурта товони, суғурта ҳодисаси, заарар ҳажми, суғурта даъвоси, мол-мулк, суғурта полиси, заарланган мол-мулк, суғурта қилдирувчи, гаровга берувчи, гаровга қўйилган мол-мулк, тўланган қопламалар

В статье даны рекомендации по совершенствование вопросов урегулирование страховых убытков страховых компаний, процесс предоставление документов по оперативному рассмотрение их, а также выполнение финансовых обязательств страховых компаний по стоимости убытков, причинённых имуществу и отображение их на счетах страховых компаний.

Ключевые слова: Ликвидация убытков, страховые премии, страховые выплаты, страховой случаи, объем убытков, страховое претензия, имущества, страховой полис, порчи имущества, страхователь, залогодатель, залоговое имущество, выплаченные убытки.


In the article Insurance companies insured losses inflicted as a result of the accidents happen to pay for the operational implementation of the process of examining the documents submitted, insurance claims to determine the amount of damage caused to the property and the payment of insurance covering the cost of financial obligations to eliminate losses and it reflects the unappropriated to continue to improve the results.

Basic expressions: the elimination of losses, insurance premiums, insurance, accident insurance, and property damage insurance claim, the insurance policy, the damaged property, the insurer pledged, mortgaged property, paid coatings.

Жамиятда фуқаролар ва уларнинг бир гурух жамоаси ўз фаолиятлари жараёнида бир-бирлари билан ижтимоий-иқтисодий муносабатда бўладилар. Ушбу ижтимоий-иқтисодий муносабатларда рискларни бошқариш ва уни камайтиришда суғурталаш механизмидан фойдаланилади. Суғурта ташкилотларига жамиятдаги фуқаролар ҳамда юридик шахслар олдида ўз зиммаларига олган мажбуриятларини бажариш бўйича катта масъулият юклатилган. Суғурта ташкилотлари томонидан ўз зиммаларига олган мажбуриятларни бажарилмаслиги салбий ижтимоий-иқтисодий оқибатларни келтириб чиқариши мумкин. Шу сабабли, суғурта ташкилотларининг барқарор

молиявий фаолият кўрсатишини таъминлаш асосий вазифа бўлиб ҳисобланиб, барқарор молиявий фаолият юритишда даъволарни кўриб чиқиш ва уни тугатиш жуда муҳим ўринга эга.

Ўзбекистон сұғурта бозорини таҳлил қилганимизда жами йиғилган сұғурта мукофотлари 2015 йилда 2011 йилга нисбатан 2.6 баробарга кўпайган(фоизда 260.0%), 2015 йилда 2014 йилга нисбатан 126 фоизга кўп сұғурта мукофотларини йиғилиб, ўсиш суръати 26% ни, 2016 йилда 2015 йилга нисбатан 125,5 фоизга кўп сұғурта мукофотларини йиғишига эришилиб, ўсиш суръати 25,5% ни ташкил этди(1-расм).



1-расм. Ўзбекистон сұғурта бозорининг 2011-2016 йилларда йиғилган сұғурта мукофотлари ва қопламалари (млн сўм)¹

Ўзбекистон сұғурта бозори бўйича жами тўланган сұғурта қопламаларини таҳлил этганимизда 2015 йилда 2011 йилга нисбатан 2.5 баробарга кўпайган (фоизда 249.4%), 2015 йилда 2014 йилга нисбатан сұғурта қопламалари 148.7 фоизга кўп тўланиб, ўсиш суръати 48.7% ни, 2016 йилда 2015 йилга нисбатан сұғурта қопламалари 117.5 фоизга кўп тўланган бўлиб, ўсиш суръати 17.5% ташкил этди. Таҳлил маълумотларидан кўриниб турибдики сұғурта мукофотларини йиғиши ва қопламаларни тўлашда ҳам ўсиш кузатилмоқда (1-расм). Аммо сұғурта ҳодисалари содир бўлғандан сўнг сұғурта даъволар бўйича тўланган қопламаларнинг йиғилган сұғурта мукофотларига нисбатан салмоғи 2012 йилда 2011 йилга нисбатан -3.3 пунктга камайган, 2014 йилда 2013 йилга нисбатан -1.5 пунктга камайган, 2015 йилда 2011 йилга нисбатан тўланган сұғурта қопламаларининг йиғилган сұғурта мукофотларига нисбатан салмоғи 0.1 пунктга кўпайган бўлса, 2016 йилда 2015 йилга нисбатан -1.5 пунктга

¹ Ўзбекистон республикаси молия вазирлиги маълумотлари асосида тайёрланди [7]

камайган (2-расм). Хулоса қилиб айтганда ўтган 5 йил давомида сұғартанинг ҳимоялаш функциясида сезиларли даражада ўзгаришлар юз бермаган бўлсада, 2016 йилда 2011 йилга нисбатан тўланган сұғурта қопламаларининг йиғилган сұғурта мукофотларига нисбатан 1.4 пунктга пасайиш кузатилган.



2-расм. Ўзбекистон сұғурта бозорида 2011-2016 йиллар бўйича тўланган сұғурта қопламалари (фоизда)²

Сұғурта ташкилотларида сұғурта ҳодисалари рўй бериши натижасида етказилган заарларни тўлаш жараёни оператив равишда амалга оширилмаслиги, мижозларнинг сұғурта хизматига бўлган ишончсизлигини келтириб чиқади. Натижада сұғурта ташкилотларининг ривожланишига салбий таъсир қиласди. Амалдаги қонун ҳужжатларига кўра, сұғурта ташкилоти молиявий барқарорликни таъминлаш, бинобарин, сұғурталанувчилар олдида ўз мажбуриятини бажаришини таъминлаш мақсадида сұғурта “POOL”ида иштирок этиши ёхуд бошқа сұғурта ташкилотлари ёки ихтисослашган қайта сұғурта ташкилотлари билан шартномавий муносабатларга кириши мумкин. Ўзбекистон Республикаси Фуқаролик кодексининг 959-моддасида «Сұғурта шартномаси бўйича сұғурталовчи ўз зиммасига олган сұғурта товонини ёки сұғурта пулини тўлаш хавфи унинг томонидан тўлиқ ёки қисман бошқа сұғурталовчидан (сұғурталовчиларда) у билан тузилган қайта сұғурта қилиш шартномаси бўйича сұғурталаниши мумкин» деб алоҳида қайд этилган. Шунингдек, Ўзбекистон Республикаси Фуқаролик кодексининг “Даъво муддати жорий қилинмайдиган талаблар” деб номланган 163-моддасида “...шахсий номулкий ҳуқуқларни ва бошқа номоддий бойликларни ҳимоя қилиш ҳақидаги талабларга..., ...фуқаронинг ҳаётига ёки соғлиғига етказилган заарни тўлаш ҳақидаги талабларга..., ...жиноят туфайли етказилган заарни тўлаш ҳақидаги талабларга даъво муддати жорий қилинмайди” деб кўрсатилган.[6],[8]

² Ўзбекистон республикаси молия вазирлиги маълумотлари асосида тайёрланди [7]

Суғурталовчида суғурта турлари бўйича операцияларни амалга ошириш учун етарли даражада молиявий маблағлар бўлишини талаб этади. Бундан ташқари, суғурта компанияси ишлаб чиқсан бизнес-режада суғурта тарифи ставкаларини тўғри ҳисобланишига ва актуар ҳисоб-китобларга алоҳида эътиборни қаратиши лозим. Сабаби шундкаи, нотўғри ҳисоб-китоб қилинган тариф ставкаси, суғурта ташкилотини молиявий барқарорлигининг пасайишига ёки тўлов қобилиятининг ёмонлашувига олиб келади. Фуқаролар ҳамда юридик шахслар томонидан тақдим этилган суғурта бўйича даъволарни кўриб чиқиш қуидаги тартиб амалга оширилади.

Гаровга қўйилган мол-мулк суғуртаси бўйича суғурта ҳодисаси рўй берганда суғурта қилдирувчи(гаровга берувчи ёки наф олувчи), суғурта ҳодисаси ва зааралланган ёки нобуд бўлган мулк тўғрисида маълумотни суғурта ташкилотига 3 (уч) кун ичida ёзма равишда тақдим этиши зарур. Суғурта ташкилоти томонидан гаровга қўйилган мол-мулкнинг заарланиши ёки нобуд бўлишини келтириб чиқарувчи суғурта ҳодисаси рўй берганда, ҳодиса асосларини аниқлаш учун комиссия ташкил қилинади. Комиссия таркибига суғурталовчи, суғурта қилдирувчи, гаровга берувчи ва наф олувчининг вакиллари, ҳодиса тавсифига кўра мутасадди ташкилот вакиллари, эксперtlар, баҳоловчилар ва бошқа вакиллар киради.

Комиссияга суғурта ҳодисаси бўйича зааралланган мол-мулк бўйича қуидаги хужжатлар тақдим этилади:

1. Суғурта ҳодисаси тўғрисида хабарнома;
2. Суғурта шартномаси ва/ёки суғурта полиси;
3. Суғурта ҳодисаси натижасида зааралланган ёки бутунлай яроқсиз ҳолга келганлигини тасдиқлаб тузилган маълумотнома;
4. Суғурта ҳодисасини тасдиқловчи хужжат (гидрометеорология маркази, техника назорати, ички ишлар бошқармасининг йўл- транспорт ҳодисасини тасдиқловчи ва бошқа ваколатли ташкилотлар маълумоти).
5. Бундан ташқари суғурта қилдирувчи ўзига маълум бўлган Суғурта ҳодисасига оид маълумотларни суғурталовчига тақдим қилиши шарт.

Суғурталовчи томонидан тақдим қилинган хужжатлар асосида мулкка етказилган зарар миқдори аниқланади ва маълумотнома тузилади. Мол-мулкка етказилган зарар миқдорини аниқлашда ваколатли ташкилоларнинг маълумотларидан фойдаланилади. Барча томонлар маълумотномага қўл қўядилар ва қўл қўйиш жараёнида ўз эътиrozларини маълумотномада акс эттирадилар. Тузилган маълумотномалар суғурта ҳодисаси тан олинганлиги ёки тан олинмаганлигини билдиrmайди ва даъво иши кўриб чиқилиб, қарор қабул қилингунча маълумотномалар асосида суғурта товони тўланмайди.

Суғурталовчи тақдим этилган хужжатларнинг тўғрилигини текшириши ва зарур ҳолатларда, бошқа керакли хужжатларни талаб қилиши мумкин. Суғурта товони етказилган ҳақиқий зарар миқдорида, лекин шартномада белгиланган суғурта пулидаги миқдоридан ошмаган ҳолда белгиланади.

Суғурта пули суғурта шартномаси тузилган вақтда мулкнинг ҳақиқий қийматидан юқори белгиланган бўлса, суғурта товони миқдори мулкнинг

сугурта шартномаси тузишдаги ҳақиқий қийматидан келиб чиқсан холда мутаносиб тарзда белгиланади. Суғурталовчи тақдим этилган ҳужжатларни ўрганиб чиқиб, сугурта ҳодисаси рўй берганлиги ёки сугурта ҳодисаси рўй бермаганлиги ҳақида қарор қабул қиласди. Қарорда сугурта товони миқдори белгиланади. Суғурта товони наф олувчининг ҳохишига кўра сугурта қилдирувчига, гаровга қўювчига ёки наф олувчига далолатномага қўл қўйилган кундан бошлаб 5 (беш) банк куни ичидаги тўлаб берилади.

Агар сугурта товоини тўлаш белгиланган муддатда амалга оширилмаган бўлса, суғурталовчи сугурта товонига қўшимча равишда, сугурта товоини тўлаш тўғрисида қарор қабул қилинган кундаги банк фоизининг ҳисоб ставкасидан келиб чиқсан холда пеня тўлайди.

Суғурта ташкилотлари бундан ташқари молиявий рискларни сугурта қилиш тури бўйича сугурта даъвоси бўлганда қуйидаги ҳужжатлар талаб қилинади[2]:

- суғурталанувчининг ёзма аризаси;
- зарарни исботловчи форма ва унинг изоҳи;
- тижорат шартномаси;
- сугурта ҳодисаси бўлганлигини тасдиқловчи ҳужжатлар;
- тузилган сугурта шартномаси, сугурта полиси ва ариза-анкета;
- сугурталанувчининг хорижий шериги билан берган хulosаси;
- кўрилган зарар ҳажми ва сугурта даъвосини бартараф этиш бўйича гурух мажлисининг баённомаси;
- суғурталанувчининг талаб қилиш ҳуқукини бериш тўғрисидаги аризаси;
- сугурта тўловини тўлаш ҳақидаги маълумотнома;
- сугурта тўловини тўлаганлигини тасдиқловчи тўлов-топшириқномаси нусхаси;
- заарга оид бошқа маълумотлар.

Фуқаролар ҳамда юридик шахслар томонидан сугурта даъволари бўйича тақдим этилган ҳужжатлар ўрганиб чиқилиб, сугурта ҳодисаси рўй берганлиги ҳақида қарор қабул қилинади ва унда сугурта товони миқдори белгиланади. Ушбу қарордаги сугурта товони суммасига 2210 «Ҳисобот даврида тўғридан-тўғри сугурта бўйича содир бўлган сугурта ҳодисалари бўйича сугурта товоналари» ёки 2220 «Муддатидан олдин тугатилган шартномалар бўйича сугурта товоналари» ёхуд 2230 «Қайта сугурта қилишга қабул қилинган таваккалчиликлар бўйича сугурта товоналари» счетлари дебетланади ва 6030 «Суғурта қилдирувчиларга тўланадиган счёtlar» ёки 6960-“Даъволар бўйича тўланадиган счёtlar” счети кредитланади[3].

Суғурта ташкилотларида 2210 «Ҳисобот даврида тўғридан-тўғри сугурта бўйича содир бўлган сугурта бўйича ҳодисалари бўйича сугурта товоналари» счётида ҳисобот даврида содир бўлган ҳодисалар бўйича тўғридан-тўғри сугурта шартномалари бўйича ҳисобланган сугурта товоналари юқорида қўрсатилган сугурта даъво иши бўйича ҳисобга олинади. 2220 «Муддатидан олдин тугатилган шартномалар бўйича сугурта товоналари» счётида муддатидан олдин тугатилган тўғридан-тўғри сугурта шартномалари бўйича ҳисобланган

суғурта товонлари ҳисобга олинади. 2230 «Қайта суғурта қилишга қабул қилинган таваккалчиликлар бўйича суғурта товонлари» счётида 6050 «Қайта суғурта қилиш бўйича олинган таваккалчиликлар бўйича тўланадиган счёtlар» счёти дебети билан боғланган ҳолда қайта суғурта қилдирувчига тўланган суғурта товонлари суммалари акс эттирилади[3]. Ҳисобот даврининг охирида йифилган товонлар йифиндиси суғурта таннархига ўтказилади, яъни, 2210, 2220 ва 2230 счёtlарнинг кредитидан 2010 «Суғурта ишини юритиш харажатлари» счётининг дебетига ўтказилади ва жами суғурта ишини юритиш харажатлари аниқланади.

Суғурта ташкилотлари томонидан мижозларга ёки бошқа юридик шахсларга ҳам даъво ишлари киритилиши мумкин, яъни, нотўғри тўланган суғурта товонларини қайтариб олиш тўғрисидаги талабнинг билдирилишини мисол келтириш мумкин.

4860 «Даъволар бўйича олинадиган счёtlар» счётининг дебетида даъволар бўйича ҳисоб-китoblар бўйича муомалаларнинг ҳисоби юритилади ва мазкур счёти бўйича аналитик ҳисоб даъволарнинг турлари бўйича алоҳида ташкил этилади. 4860 «Даъволар бўйича олинадиган счёtlар» счёtdа қуйидаги муомалалар ҳисобга олиб борилади, жумладан:

- суғурта товонини қоплаш бўйича суғурта ҳодисасининг юз берганлигига айбор бўлган учинчи шахслардан ундириладиган суммалар бўйича ҳисоб-китoblар;

- мол етказиб берувчиларга, пудратчиларга ва транспорт ташкилотларига уларнинг счёtlари текширилганда шартномада келишилган ва преискурантда назарда тутилган баҳо ва тарифларнинг бир-бирига мувофиқ келмаслиги сабабли киритилган даъволар суммаси ва ҳисоб-китoblари;

- мол етказиб берувчилар ва пудратчиларга тақдим этилган счёtfактуralарда арифметик хатолар ва баҳоларнинг ошиб кетиши аниқланганда ёки арифметик хатолар товар-моддий қийматликлар ёки харажатларни ҳисобга оловчи счёtlarda ёзувлар амалга оширилгандан сўнг аниқланганда киритилган даъволар суммаси ва ҳисоб-китoblари;

- мол етказиб берувчиларга, транспорт ва бошқа ташкилотларга юкнинг камомади бўйича киритилган даъволар суммаси ва ҳисоб-китobi;

- суғурталовчининг счёtlаридан банк муассасалари томонидан пул маблағларининг нотўғри ҳисобдан чиқарилган (ўтказилган) суммалар бўйича киритилган даъволар суммаси ва ҳисоб-китobi;

- мол етказиб берувчилар, пудратчилар ва бошқалардан томонидан шартнома мажбуриятларига риоя этмаганлиги сабабли вужудга келган ва тўловчилар томонидан тан олинган ёки хўжалик судининг қарори билан белгиланган миқдордаги олинадиган жарималар, пенялар, неустойкалар бўйича киритилган даъволар суммаси ва ҳисоб-китobi;

- мол етказиб берувчилар ёки пудратчиларга уларнинг айби билан юзага келган, яроқсиз маҳсулотлар ва бўш туриб қолишлар бўйича киритилган даъволар суммаси ва ҳисоб-китobi;

-бошқа корхоналар томонидан шартнома мажбуриятларини бажармаганларды учун тан олинган жарима, пеня ва неустойкалар, шунингдек, суғурта шартномалари бўйича регресс даъволар суммаси ва ҳисобкитоби.

Юқорида кўрсатилган даъволар бўйича маблағлар ундирилганда 4860 «Даъволар бўйича олинадиган счёtlар» счёти ёки 4890 «Бошқа дебиторлар қарзлари» счётида кредитланади ва пул маблағларини ҳисобга оловчи 5100, 5200 ва 5500 счёtlар келиб тушган тўловлар суммасига дебетланади. Кониқтирилмаган ёки ундирилмаган даъво суммаси суғурта ташкилотларининг харажатларни ҳисобга оловчи счёtlарга олиб борилди ва ҳисобдан чиқарилади.

Суғурта даъволарни кўриб чиқиш жараёнини такомиллаштриш бўйича қўйидагиларни амалга оширишни таклиф этамиз.

- суғурта ташкилотлари томонидан суғурта ходисасини кўриб чиқиш жараённида мижозларга хуқуқий ёрдам бериш хизматларини ташкил этиш ва суғурта қонунчилигини мукаммал эгаллаган суд органи ходимларини жалб этиш;

- суғурта компаниялари ўз таркибида техник хизмат қўрсатиш устахоналарини ташкил этишлари керак. Йўл-транспорт ходисаси содир этилганда қўшимча хизмат қўрсатишни йўлга қўйиш лозим. Суғурталаш жараёнига қамраб олинган транспорт воситаларини график асосида белгиланган муддатларда техник кўрикдан ўtkазиш ва уни холатини ўрганиб техник хulosалар бериш суғурта ходисасининг камайшига ва кўриладиган зарар миқдорини камайтиришга (рискин олдини олишга) олиб келади. Бу эса суғурта компанияларини катта миқдордаги заарни қоплаб беришдан химоялайди;

- суғурта компаниялари суғурта қилдирувчининг автотранспорт воситасини техник хизмат қўрсатиш устахоналарига тузатиш учун қабул қилинган даврида унга вақтинча фойдаланиб туриш учун автотранспорт воситаси тақдим қилиш амалиётини жорий этиш;

- автомобиль йўлларининг техник жиҳатдан талабларга жавоб бермаслиги оқибатида содир бўлган йўл-транспорт ҳодисаси натижасида вужудга келган заарларни йўлларнинг техник ҳолатига жавоб берувчи ташкилотларга даъво шаклида каратиш ва уни ундириш амалиётини татбик қилиш мақсадга мувофиқдир.

Бундан ташқари мижозларни ҳамда суд органи ходимларини етарли даражада суғуртага оид маълумотлар билан таъминлашни йўлга қўйиш мақсадга мувофиқдир.

Юқорида келтирилган таклифларни амалиётга татбик қилиниши суғурта даъволарини сифатли кўриб чиқилишини таъминланиши учун хизмат қиласи.

АДАБИЁТЛАР РЎЙХАТИ

1. Шеннаев Х.М. “Ўзбекистон сугурта бозори”-Т.:”Иқтисод-Молия”, 2013 йил 256 б.
2. Шеннаев Х.М., Очилов И.К., Кенжаев И.Г., Ширинов С.Э. “Суғурта иши” ўқув қўлланма. Тошкент- 2014 йил, “IQTISOD-MOLIYA” 248 бет.
3. Ochilov I., Sultonov D. Sug‘urta hisobi va hisoboti. O‘quv qo‘llanma. –Т.: “IQTISOD-MOLIYA”, 2013y. – 224 bet.
4. Страхование: экономика, организация, управление: Учебник; В2 т./СПбГУ, Подред.Г.В.Черновой. – М.: ЗАО “Издательство “Экономика”, 2010 – Т.1–751с, Т.2–671с
5. Ўзбекистон сугурта бозорини ривожлантириш истиқболлари” мавзусидаги республика илмий-амалий конференция материаллари. ТМИ, Тошкент– 2012 йил. – 720 б.
6. Ўзбекистон республикасининг фуқаролик кодекси. Ўзбекистон Республикаси Олий Мажлисининг Ахборотномаси 1996 й.
7. www.mf.uz (Ўзбекистон Республикаси Молия вазирлиги)
8. www.lex.uz (Ўзбекистон Республикаси қонун ҳужжатлари маълумотлари миллий базаси)